






Gersdorff—1551—Contemporary Color

Josiah Charles Trent, M.D.

Duke University Medical Center Library
Trent Collection

H. C. G. v. S.
Litholat 4998

I
Ausslegung



Digitized by the Internet Archive
in 2015

Aufliegung vnd beschrey
bung der Anatomii oder warhaff
ten abconterfetzung eines inwen
digen cörpers des Adanns vnd
Weybes / mit erklerung seiner in
nerlichen gelider / wie vnd wohyn
ein yedes von Gott erschaffen vñ
geordnet / das menschlich leben
zu auffenthaltten. Dem gemei
nen menschen zu einem
kurtzen vnd ver
stendlichen
bericht.

M. D. XXXIX.

Dieweyl in Lateinischer zungen vil von menschliche coe-
pers Anatomi fleysig geschriben / vnd gleich wol sollich
vneyl vñ erklerung dem verstendigen genugsam were / so
ist doch nit ein yeglichs gemüt so sehibig solche Anatomi / wie von
nöten nach der erfarnen gelerien leer auß dem todten büchstaben
so gar sichtlich für augen zü bilden / als wenn man die außers-
suchung vñ handarbeyt erfarnung gewünnet / sonder die sichtlich
form des augenscheins / von dem leben / das gibt vil mer / auch
wachaffter verstennuß / weder die aller eygendlicke imagi-
natz oder fürbildung der geschüfft / dann vil sachen durch den
haln dorffern wol gnugsam erörrert / aber die vñwissenheyt
gebürt schwerem / auch vngleychen verstandt.

Dieweyl aber / die öbern vñ außern gelider / als das haubt zü
vor fleysig Anatomisirt / vñ seine anhangende gelid maß durch
figuren vñnd abconterfetzung / mit aller notwendigen beschrey-
bung an den tag gegeben seind / derhalben ich yetzt das haubt /
auch alle außserliche gelidmaß berühren laß / vñ allein von den
innerlichen so der leyb eröffnet wirt / meldung thün wil.

Erslichen wo yemands were / der sich von wegen warer
erkannuß vñ erfarenheyt / zü sollich er hand arbeyt der
Anatomi begebē wolt / oder darbey were / das ein mensch
licher coeper geöffnet würde / der gedencke zñ vor / was sein für-
nemlichste stück sein werde / so im zñ seiner hantierung am dienst-
lichsten vñnd notwendigsten zñ beschuigen seyen / auff das das
selbig ort deßer süllicher vñ subtiler auffgethon / vñnd nicht das
notwendigst abgeschnitten vñ zerrissen werde / dann gar kau-
met laßt es sich / wie grossen fleys man anwender / alle ding auff
ein mal abschuigen / dann der Adern vñ arterien / auch andere
bey gelegte stück / seind zñ vil / vñ ist gar bald eins vbersehen /
das bringet dann nicht geringe irrung / so einer diß für ihenes an-
sihet / vñnd würt geselet.

Auch kommen etliche innerliche stück in einem menschen vil
krefftiger vñ scheinbarer dan in dem andern zñ sehen / nach art
der complexion vñnd gesundheyt / oder der jugent vñnd des alters

daß in einer Jungfrawen die mütter vil kleiner / weder in einer
geberenden frawen erkunden würt.

Sonun der deckel oder äussere haut des leybs / mit einem schar
pfen oder wol schneydenden schermesser eröffnet / vnd nach der
lenge herab auff geschnitten ist / spaltet man vnderhalb des na
bels / die haut biß zu beden schenckeln / vñ legt die aussere haut bes
seytz / als dann erscheynet ein starck negisch fell / welchs alle in
nerliche glidmaß beschleust vnd vmbfangen hat / so das selbig
eröffnet wüdt / tringt das eingweyd mit aller gwalt herauf /
welches alle andere vndere stück / als plasen / mütter / nieren / va
sa spermatica / vnd menstrualis / sampt der vena kyllis bedeckt /
wiewol sich zu vnderst der maßdarm widerumb vnder den auf
gang der mütter vñ der blasen verbirget / das die selbigen zwey
stück im aufgang obliegen.

Als dann nymbt man ein starcke schnür / vñnd knüpffet den
maßdarm zu vnderst man kommen kam / gegen dem aufgang
zweymal zweyer finger breyt zu vber einander / nachmals oben
an der rören so von dem magen in die Derm gat / auch der gleich
vnd schneytes vnden vnd oben zwischen den zweyen geknüpff
ten banden ab / so gehet das eingeweyd on gestank herauf / als
dann sicht man die innerliche gelider / an der seytten mit negis
schen fellin anhangen.

So aber das ober teyl die Brust eröffnet werden soll / mag
solchs gar nicht mit messern / sonder mit einem beyhelim gesche
hen / damit man die knorrichten zincken der Brust / die sich vber
die Brust zu beschirmung anflattern / sitlich mit subtilen strey
chen brechen / biß in das halßgrüblein / nachmals mit streycken
die rippgebain / zu beyden seytten gebrochen / so gehet die schlies
sung / oder die gebain so die Brust bedecken / auff beyde seytten /
als dann soll man mit wasser das inner blüt aufwaschen / vñnd
vnden bey den hüfften löcher machen / das solch wasser vnd blüt
durchmöge / so liegen alle innerliche gelidmaß gang nach einan
der / wie wunderbarlich sie dann Gott geordnet / vñ an einander
gehefftet wirt / alles eygentlich ersehen.


Von der Brust.

Die Brust menschlichs cörperis/ist ein feste wol bewarte behausung/ von innen vnd aussen her/ mit starcken Endrechten vñ zincken gebain versehen/ auff beyden seyen mit starcken rippen umbfangen/ welche sich an die obern Brust schließung verassen vnd aller eusserst mit einem fleysch vnd einer haut darüber fürsehen vnd bedeckt/ darunder alle seelische glieder verwar/ vnd beschützet werden mögen.

Die innerliche seelische gelider aber seind von Gote mancherley art vnd eygenschafft geformiert/ auch jedes sonderlich mit andern beschließungen/ vnd bedeckungen versehen vnd umbfangen/ als nemlich mit eilichen neruen adern vñ sellen/ damit die Lunge als das eusserst/ vñ das hertz als das inner umbgeben seind.

Zu oberst in der Brust gegedem schlund seind gebain/ das ist ein feste zusamensätzg/ welche die speys vñ lufftroden erhalten.

Von Weyblichen vnd Männlichen Brüsten.



An des Manns vñ Weybs Brust außwendig seind in dem fleysch zwo Brust eingeleysht/ welche von art vnd natur kalt vñ feucht/ auch von adern/ arterien vnd nernen/ mit einer hēlin oder luffern fleysch/ wie ein Schwamm auffgefüllet/ inn welchen vil gebläts bey den Weyben ist/ vñ von wegen der zeyt der empfangenuss eines kindleins/ in ein weysse Milch verwandelt würt/ Dise Brust haben iren zůgang von dem hertzen vñ der Lebern. Auch zwo adern/ so von den Brüsten inwendig der mütter zůgeeygnet seind/ davon das kindlein ernert vnd gespeysset würt/ bis zů der zeyt der geburt/ nach der geburt aber so die innerliche adern so in die mütter gehen/ keincuzug mer haben/ so sellet es wider zůruck/ vnd außwendig in den Brüsten des Weybes ye mer zů/ darumb auch alle Weyber vil herter vnd grössere Brust mit Milch nach der geburt/ dann darvor haben/ vnd ye

weniger ein Weyb Milch in den Brüsten vberkommet / so vil
auch hat sie weniger des geblüts / vñ ist ein zeichen einer schwach-
en zerstüeten natur / oder des gar harten weybllichen flus / ein
blütreichs Weyb / auch gewöhnlich vil Milch vberkommen / wie
wol auch vil an der stelle der speys und tranck gelegen ist / dann
von natur / twinger / grosse arbeyt / vñ nach der geburt kein war-
tung / mit allein das geblüt vñ Milch / ja alle natürliche krefft
mindert vñ krencket. Darumb ye besser wartung vñ nahrung /
auch gesunde natur von nöten / volkumme kindlein erziehen muß.

¶ Sein Eyt vñ Ergneyß.

Für geschwulst der Brüst von wegen der gerinnung vñ die-
ckung der Frauen Milch / Nym Bonen vñ Linsen zerstoßen /
mit Essig gesotten / vñ in einem tüchlein oder secklein darüber
gelegt / darnach ayeckel vñ Rosöl vñter einander gerhon / die
statt damit bestrichen. Auch mag man Leinsamen zerstoßen /
vñ mit hönig gesotten / darüber gelegt. Bonen mel vñ Käl-
wurzel vñter einander zerstoßen / vñ vber gelegt. Aufblat-ter
der Frauen in Büßem geben / hilfft wol zü gerunner Milch.

¶ Milch zümachen.

Nym fenchel vñ Enß also grün / leg in inn wein oder Mi-
lich / trinck davon v. oder vi. tag nüchtern / es kumpt die Milch.

Dillensamen vñ das kraut im Linsenbrü gesotten / offst ge-
nügt / macht vil Milch.

¶ Zu vertreyben die Milch.

Wuntsherling / das kraut vñ wurz zerknüßet / vñ auff die
Brüst der Frauen gelegt / benimbt die Milch. Auch Rauten-
samen in Essig gesotten / darauff gelegt / benimbt die Milch.

Von der Lungen.

Die Lung ist ein behelmuß des Hergens / darinn es auff der
lincken seyten inwendig bedeckt vñ verschlossen wirdt / welche
von einem leychten vñ lücken fleysch weys vñnd schamig von
Gott erschaffen ist / in welcher die adern des Hergens mit heü-
len vñ neruen verfaßt seind. Als nemlich / der ast der hertz-
adern / der da gehet auß dem rechten zelin des innersten reyls



von dem lebē des hertzens / auch
ein anderer aß von der lincken
seyten des hertzens mit vil ange-
hencken nervischen aderlein /
dan mit disen aderlin oder eßten
bünge sie dem hertzen auch ihre
sondere lufft rören / damit sie
stets wie ein Blafbalg / auff dā
hertz zū krefftigung irer arbeyt

und auffenthalt weggehet / dann die ganz zūsamfassung der
nerven heülein vnd adern / werden durch die ganze Lungen ein-
geteylt / vnd mit klogechten anhang biß in die Gurgel gefürt /
etlich zū den Brüsten / etliche zū dem Hirn vñ zū der Brust Lebern
herab / auch etliche geen / dieselbige schöpfen das aller edelste ge-
blüt in die zellein des hertzen / darinn der geyst des lebens ver-
schlossen ist / von dannen sich solch geblüt ferrer in andere gelider
als in die mütter vnd in die adern der fesslein der natur oder sper-
matis aufsteylen / auch in die adern Emoroides oder vene ayree.
Sie ist auch obenherab rund / stark vnd ganz / aber an den seyt-
ten hat sie etlich flügel oder zipffel / nemlich an der rechten seyt-
ten drey / vnd an der lincken zwey / in der mit aber der Lungen ge-
hen die speyßrör vnd die lufftrör herab durch die diafragma her-
durch biß in den Magen / von welcher lufftrören die Lung vnd
das hertz iren sonderm lufftegang / vnd athen schöpfen. Der
Lungen krankheyten seind geschwer / als periplomonia / hüzig
von der flegma / pleuresis von der colera / pusis von disen bey-
den / visach von grosser keltin vñnd feuchtin / oder von vñger
trüefne.

¶ Sein kurt vnd ärzney ist.

Auff die Brust fürend.

Liquiritia/

Isopus/

Amigdale/

Pulma pulpis/

Passule/

Capile veneris

Granapini/

Mell/

Treos.

Squilla.

Prassium.

Zuccarum.

Dragantum/	Psilium/	Ordeum.
Sonum grecum /	Crocus/	Ameos.
Cordumeni/	Succus caulei.	Auellana.
Ius galli antiqui.	Nasturtium /	Xilo aloes.
Opponatum/	Nitra /	Serapinum
Raffanus /	Aspidillus/	Lilium.
Aristologia /	Olibanum.	

Von der Brust vnd Lungen purgierend.

Simplicia.

Agaricus/	Sarocolla/
Isofus/	Volubilis/
Cassia fistula/	Ireos.
Coloquintida.	

Composita.

Pillule de agarico descriptione Mesue.

Diaesene /	Dia turbit /	Paulinum.
Troscisci alahandali/	Pillule bibichie cum pp. gran.	
agarici trociscati.		

Sterckung der Brust vnd Lungen

auf kalter vrsach.

Simplicia.

Enulla campai/	Marubium.	Isofus/
Camomilla/	Radices altee/	Ireos.
Xilo balsamus /	Vua. passu.	Squilla.
Serapinum/	Capille veneris/	Lilium.
Liquiritia		Spica.

Composita.

Dyacalamentum/	Dyaprasum /
Dya yrocs/	Lohoc sanum /
Dyatrionpiperion/	Dyaysopus/
Lohoc depino.	

¶ Sterckung der Brust vnd Lungen/ auf hitziger natur/ das ist zükülen die Brust vnd Lungen.

Simplicia.

Trinbe/

Draganum/

Sebesten/

Gummi arab/

Amidum/

Violum.

Amigdale dulcis/


Sem papauerū/Sand. albi/rubi et citrini.

Composita.

Dyapapauerum/

Dyagranatum/ Dyapendion.

Das Hertz.



Das Hertz ist ein behausung oder beschließung der Seelen vñ des menschlichen lebens das hitzigst gelid vñter allen innerlichen gelidern des leybs verordnet / wie ein König aller innerlichen geliden eingesetzt / welches Hertz sich mer der lincken dann der rechten seyten nehet / von wegen der außbreitung der Lebern in der rechten seyten vñter der

Lungen/auch von wegen des obern teyls/do sich dann alle arterien merere teyls zusamen/als zu einem centro oder mittel sich vereynigen/ von dannen sich im ganzen leyb auf teylen.

Das Hertz ist auch einer herten substanz von starckem grobem fleysch gemacht einer vberlengten form / wie ein Byr / darinnen drey zellelein oder hölinen seind/ die zwey zu beyden seyten vberlengt/aber das mittel etwas ronders vñd weyters / in welche mittein / das grob geblüt von der Lebern genommen/oder an sich gezogen / vñd darein gesendet würt / darinnen erst zu einem subtilen geystlichen vñnd lebenhafften ding gemacht / von dannen sich/durch die arterias außgeteylet inn die Lebern / inn das Hirn/in die felein der natur des Klamms vñd des Weybs/ vñd zu lebenhafftem geberendem blüt/auch anderer gestalter materi verendern. Das Hertz mit seinem begriff / ist alles lebens instrument/auf welchem alle krefft des ganzen leybs / vñnd der Seelen erhalten werden / vñd jr volckumene würckung vñd weisen haben / daan in dem Haupte das Hirn / die vernunft/das gesicht / vñd gehörd / hat alles sein leben vñd würckung / durch die eynig geystliche krafft des lebenhafften Hertzens/ Dann das Hertz

Hertz mit allen innerlichen gelidern / also oben / mitten oder vnder teyl des leybs sein eingeblüt mitwürcken hat.

Auch die Lunge / Leber vnnnd Magen / seind mit dem Hertzten also mit adern vñ arterien verbunden / das keines on das ander nichts vermag noch soll / so bald auch deren eins / es sey Lebern oder Magen / geschwecht wirt / so trawiet das Hertz / vnd leydet von stundan schwerlichen mit / darumb deren yedes des andern leben ist. Das Hertz aber ist das höchst / vnd das leben aller.

Das Hertz ist auch außserlich mit einem starcken sell vmbfangen vor der Lungen krankheyten vnd geschweren zu verwaren. Auch gehend inn dem öbern teyl des Hertzens eingang / neruen / adern mit sellen versehen / welliche dem eingang des Blüts mit auff vnnnd züthün verordnet seind / bey welchen zwen windfeng seind / mit fürhangenden fleyschlin / durch welche von der Lungen lufft zu dem Hertzten auß vnd eingehen / genommen wirt / das ein lufft vor in das linck / das ander in das recht zellelin des Hertzens durch zwo adern eingefürt wirt. Auch ist das Hertz inwendig mit einem knöchlechten bain / zu einer hilff vnd stercke / auff das aller fleysigst versehen / dann vnter allen innerlichen gelidern menschlichen cöpers keins mer arbeyt vnd anhang hat als das eyinig Hertz.

¶ Sein kux vnd ärzneiy ist.

Sterckung des Hertzten auß kalter vrsach / das ist / bizigung des Hertzten.

Simplicia.

Melissa /	Euula camp.	Borago.
Cardomomi /	Gariofolus /	Ambra.
Rosmarin /	Lignum aloes /	Mustus.
Os de corde cerui	Vriusque been /	Crocus
Cortex citri /	Duronici /	Cobebe.

Composita.

Dya margariton.	Electuarium cordiale /
Dyacinnamomum /	Lericificans alimansoris /
Electuarium de gemis	Dyambos / Dyambria.

Külung des Hertzens.

Simplicia.

Jacintus/
Smaragdus/
Buglossa.

Saphirus/
Margarita/
Aurum.


Rubinus.
Bellerici/

Dyafragma.

Dyafragma ist ein deckel des Magens / ein fellin / welchs do abteylt die ernerenden gelider von den geystlichen / so das leben auffenthalten / Vnd der fellin seind drey / das inwendig bedeckt alle ripp / vnd wirt pleura genant / Das ander heysset mediastinum / das teylet den gangen leyb zu beyden seytten.

Aber Dyafragma ist einnegisch fellin von den rippfellin vnd hertzfellin zusamen gefüget / vnd komet von den ederlen so auß dem fleyschin teyl / bey den Rippen durch die rücfbain die im zu geordnet seind / darumb der musculus vnd sein würckung ist auß zütreyben die vbrige feuchtigkeit / auch zubeschützen den Magen / von der Lungen gebrechligkeyt / vnd seylung.

Von dem Magen.



Der Mag ist ein beheltnus oder hafen / darinn alle speys vnd tranck erstlich empfangen / auch darinnen gedawet vñ gekocht wirt / nachmals mitteylet er allen andern glidern die aller edelste krafft seiner speys / als fürnemlich der Lebern / dem Hertzen dem Haupt vnd Hirn / in der Lebern gebürt sie das blüt / Das Hertz machs es lebenhafftig / das Hirn empfind-

lich / die vbrige feuchtime gibt sie durch die Nieren außzűfűren / also auch die verda wie speys scheybt sie durch des Magens ror in die Derm zű dem außgang.

Der Mag ist ein grob starck vnd nernisch fleysch / von aussen rund / gend glat / mit einem bogē des Magens ror erhűhet / aber inwendig raohē mit etlichen beheltnussen. Alle speys so inn den

Magen empfangen/ werden mer teyl durch die Lebern gekocht/
dañ sie vmbschrencket in der rechten seyten den Magen mit iren
flügeln/ so kömet jr das Miltz in der lincken besejts mit irer sey-
ste züerwermen entgegen/ wie wol der Magen/ von wegen des
vntern fleysch inner teyls oder grands selbst auch hitzig ist züs-
dawen/ so hat jm yedoch Gott diß hilff züsüßdarnuß auch züs-
geeegnet. Aber bey des Magens mund/ erscheynen etlich knorbs-
lych gebain/ außgebreyt/ zü einer beschliessung vnd stercke der
schlund rören/ dieselbig rör ist inwendig vnd außwendig mit la-
certen vmbgeben/ vnd würt meri oder Oesophagus genant.

Es begeben sich auch vil krankheyten in dem mund des Ma-
gens/ als verschleymung/ auch seere mit löchern von heysen fläs-
sen des Haubts/ oder von dem halß geschwer/ squinancia genant
auch ein hartes schlucken von gemeltem/ vnd verrückung der
spundiles im rucken/ oder von dem krampff der neruen verur-
sacht/ welchen scharpffe speys vnd getranck zügebrauchen sched-
lichen seind.

Der Mag gewinnet auch krankheyten von vberflüß der vier
naturen/ als zü vil hitz vnd kelt/ zü vil feuchte vnd truckne/ et-
wan von speysen so zü vil kalt vñ feucht warm vñ trucken seind/
von vnreynem stinckendem oder verwesendem essen/ auch von
der Lebern/ Gallen/ Miltz vnd geblüt. •

¶ Sein kúr vnd ärzney ist.

Von dem Magen vnd ingweyd purgierend

Simplicia.

Absinthium/ Mirabolani Aloe/
vnd andere senfftigend vnd leckend ärzney.

Composita.

Stomachum laxatiuum. Dya prunis.
Catarticum imperiale/ Terapigra/
Dyaturbit/ Electuariuum indum.

¶ Pillule Stomatice descriptione Mesue.

Re. Turbith 3 ꝑ Mastice 3 iij.
Rosarum 3 iij Aloes boni/ 3 ꝑ vij/ fiant pillule cum
succo absinthei/ dosis 3 i

B ij

¶ Stärckung des Magens/auff Velter vrsach.

Simplicia.

Maionna/
Absinthium/
Cuminum/
Sariofolis/
Spica/

Salvia
Marubium/
Galanga/
Cinnamomum/

Menta.
Anisium.
Masticis.
Zinziber.
Macis.

Composita.

Dyatrion piperion/
Dia anisium/
Dyacalamentum/

Ros nouella/

Dyagalanga.
Mel rosarum.
Dy acianinum.

¶ Kühlung des Magens.

Simplicia.

Plantago/
Cucurbita/
Portulaca/
Malum granatum/

Lactuca/
Melonis/
Citrullus/

Rosa.
Viola.
Acerum/
Pira agresta.

Composita.

Dyacitoniten cum Zuccaro sine speciebus/Syrupus rosarum/
Syrupus violarum/Tria sandalum.

Von der Lebern.



Die Leber ligt im mitten des leybs /
yedoch auff der rechten seyten / welliche
von dem Magen die aller edelste Krafft
durch fünff rölein so von jr in den Ma-
gen gehen / an sich zeuhet / alldo dann sol-
lichs zu einem blüt geboren wirt / gleych
wie der Mag die eingenommen speys
verdawet vnd Kocht / Also die Leber
durch sondere adern oder rören / geleych
als durch einen alembich / von dem Ma-
gen inn sich zeuhet / vnd das selbig noch
zu einer subtilern substanz vnd art / nem-
lich durch micwürcung der adern ine.

ser vice in blüt verendert. Von diesem blüt auch das Hertz nach
in als durch die geng der adern so von dem Hergen in die Lebern
absteppen / inn die mitteln hölin des Hergens einzencht / darauff
erst noch ein höheres geystmesigs leben / hafftigs Blüt geboren
wirt. Darumb auch der Mag / die Leber / vnd das Hertz / ye eins
von dem andern empfahet / vnd widerumb gebürt / darnach ye
des sein geburt andern gliedern mitteylet / darumb sie alle drey ge
berende glieder genennet werden.

Die substanz der Lebern / ist an jr selbs ein geronnen blüt / rot /
hert / grob vnd fleyschin / mit vilen adern vnd arterien zusamen
verfasset / welche vnter den kleynen rippen herab gebogen ligt /
den Magen in sich eingefasset hat / auch mit jren zincken oder flü
geln von der rechten seitten herein bedeckt / vnd von hynden mit
den fellin / so von dem Hergen herab gehen / verfangen / auch an
dem rucken / Magen / Hertz vnd Lungen / herab bis an den Nie
ren / Blosen vnd Hoden / seinen anhang vnd züsfigung hat.

Es werden auch von der Lebern außgeteylet / alle blüt adern
in das Hertz / vnd in die ader vena tyli / das natürlich speysen
de teylet sie auß in den ganzen leyb / das vnnatürlich scheybt sie
beseyt in seine verordnete vaf / Die vnnatürliche feucht der colle
ra rubia / das ist der schaum des geblüts in die Gallen / den hefel
aber des geblüts / welches die melancoley / vnd nigra collera / ist
in das Milz / das edelst geblüt in das Hertz vnd ander gelider /
Die flegma in das Haupt / die ybrige feuchtigkeyt der collera ru
bia / von der Gallen / in die Tieren vnd Blosen.

Die krankheyten der Lebern / sind mancherley art / etliche
auß eygner art vnd vrsach. Etliche auß züsfallenden beweglich
keyten / Die züsfallende / als durch vberflüssigkeyt zutrinctens /
grosse erbigigung scharpffer speys vnd tranck / auch von grosser
übung / hitz / schwerer arbeyt / tanzen / springen / gehen / fallen / schla
gen / auch kaltem gehem trincken in hitziger übung / vnd der ge
leychen / die eygne als vberschüttung des geblüts / vberflüssigkeis
der feuchtin / welche auß schwachheyte der verlorren dawung der
Lebern entspringt / Darauß schwere krankheyten / geschwer / sey
lung / wassersucht / vnd anders erfolget.

Auff die Leber führend.

Squinantum/	Eupatorium/	Spica.
Fumus terre/	Custuta/	Endiua.
Absintheum/	Laciuca/	Aquarum ordei.
Sandalum/	Spodium/	Azarum.
Feniculum/	Anisum/	Solium.
Amigdale amare/	Daucus/	Sparragi.
Cinnamomi/	Aqua cicerum/	Camedreos.
Arnoglosa/	Volubilis/	Treos.

Von der Lebern purgierend.

Simplicia.

Agaricus/	Aqua casei/	Volubilis.
Lupulus/	Rhubarbarum.	Crocus.
Absintheum/	Fumus terre/	Eupatorium.
Mirabol.citrin.	Tamerindus/	Treos.
Mezerion/	Serapinum/	Sarcocolla.

Composita.

Dyaprunis	Triffeta saracenica.
¶ Pillule de Rhubarbaro descriptione Mesue/wie volgt.	
Dyacartamū/	Pillule de mezeron.
Dyacatolicon/	Pillule de fumo terre.
Tetaruffini/	Dyasenee.

Sterckung der Lebern auf kalter vrsach.

Simplicia.

Squinantum/	Cinnamomi	Spica.
Eupatorium/	Squilla/	Azarum.
Absintheum/	Fumi terre/	Carui.
Capille Veneris/		Semi. feniculi.
Amcos/		Costum.

Composita.

Dyaciminum/	Dyanisum.
Dyacalamentum	Rosata nouella.
Trocis eupatorio/	Trocis de absintheo.

Külung der Lebern.

Simplicia.

Endivia/	Portulaca/	Lactuce/
Aqua ordei/	Epatica/	Viola.
Sandalum omnium generum/		Solatrium.
Camphora.	Spodium/	Aqua rosarum.
Quatuor semina frigida/	Berberis/	Acetum.

Composita.

Tria sandali/	Troscis de bisancis.
Zuccarum rosarum/	Zuccarum violarum.

Die Gall.

Die Gall ist in mitten der Lebern/ gleich einem angehenckten seckel/ zu vberflüssigkeyt der feuchten Collera rubra/ die da warm vnd trucken/ zu empfangen vnd an sich zu ziehen geordnet ist/ mit zweyen mundlöchern weyt geteylt/ das ein zu empfangen das ander aufzutreyben/ das empfangend oder an sich ziehendt/ in mitte der Lebern/ welches die vberflüssige feuchtin der collera rubra hynweg nimpt. Das ander ist gericht zu dem Boden des Magens/ solche collera durch die Derm vnd Nieren auf zu fixen.

Kranckheyt der Gallen ist verstopffung oder verschleymig beyder mundlöcher/ gewinnet das mundloch so mitten inn die Leber geet verstopffung/ so bleybt das geblüt vngereynigt von der collera rubra. Beschicht es in dem aufstreybenden mundloch so bleybt aber die selbig feuchtin in der Gallen/ vnd zeucht nicht ferrer an sich/ muß also in der Leber/ oder durch das geblüt sich verzeren vnd aufziehen/ welches vilerley Kranckheysten gebürt/ auch an dem harn vnd fleisch aufwendig/ vnd inn der öffnung der Leber adern/ an dem geblüt erkennet wirt.

Das Milz.

Das Milz ist kalt vnd trucken/ ein luff löchericht fleisch/ schwerter dann die Leber/ welches den Magen auff der lincken seitten vnten herumb umbschrencket hat/ vn̄ mit zweyen adern/

Ein in die Lebern/die ander in den Magen geordnet / auch hat sie je sönndere ederlein zu der Gallen/ Aber durch diese adern so in die Lebern gebet/zeucht sie auß die collera nigra/ welches ein heßel des geblüts ist/ vnd wirt melancolia genant/ darnach stoffet sie es durch die andern adern inn den Magen/ durch die Derm außzuführen.

Seine krankheeyten seind fast geleych der Leberen oder Gallen / dann so die rören oder gang von der Lebern inn das Miltz verstopfft wirt/das sie den heßel des geblüts mit aufziehen kan / so wirt das geblüt in der Lebern / durch die melancolische feuch- tin verunreynet / ist es dann durch verstopffung der andern auß- treybenden rören zu dem Magen / volget dem Magen böse be- gird/vnd wirt das Miltz hert / sticht vnd macht auff steygen in das haubt/mit schwermütigkeyt vnd vil fantasien.

¶ Sein kux vnd Erzneey ist.

Auß das Miltz führend.

Thamaristus/	Cortices salitis/	Custuta.
Scolopendrie/	Sal gemma/	Agnus castus.
Capparus/	Sal indum/	Camepitheos/
Rubea tinctoris/	Accorus.	Amigdale amare.
Squilla/	Treos/	Spica.
Azarum/	Prassium/	Anisium.
Daucus/	Absintheum/	Geniculum.
Calamentum/	Eupatorium/	Bithor maris.

Von der Miltz purgierend.

Simplicia.

Agaricus/	Epithimum/	Sene.
Elleborus niger/	Calamentum montanum.	

Composita. .

¶ Pillularum indarum descriptione Mesue fit.

℞℥m/Mirabolorum indorū elebo. nigri. añ. 3 v. agarici/ Lar-
pidis lazuli loti/ Scolopendrie/ Salis indi/ añ. 3 iij/ Succieupa-
tori/spice/ añ. 3 ij/ Gariofolis 3 j/ Gera pigra/ 3 xij/ fiant pillule
cum succo apij/ dos. 3. viij/ cum aqua casei.

Sterckun

Sterckung der Miltz auß kalter vrsach.

Simplicia.

Tamaristus/	Nasturtium/	Calamentrum.
Cicorea/	Armoniacum/	
Capparus/	Calamus aro.	Epitimi/
Cortex radidicis geneste/		Amigdalamar.
Borago/ Anisi/ Femiculi/ Carui/ Buglossa/	Almeos/ Squilla/	
Castoreum/ Acetum/ Squilla/ Agnus castus.		

Composita.

Dya cimminum/ Dya calamentum/ Dya capparus.

Külung der Miltz.


Simplicia.

Lactuca.	Endiua/	Sandalum/
Quatuor semina frigidorum/ Spodium/ Acetum		

Composita.

Dy oboraginatum/ Tria sandali.

Von den Nieren.



Der Nieren seind zwen/ die seind warm vnd trucken/ Einer in der rechten/ der ander in der lincken seyten/ Ir substanz ist ein rot vest fleyschlin/ welche von Gott geordnet seind/ die wesserige feuchtin von dem geblüt an sich züziehen/ vnd dasselbig in einen harn zükochen/ Der ein Nier aber so in der rechten seyten ist/ ligt der Lebern nahe/ vnnnd höher dann der inn der lincken seyten/ Die Nieren hangen an dem rucken mit fettin zü beyden seyten vmbgeben/ zü welchen neruen/ arterien vnd adern gond/ Es seind auch zwen geng so von der Lebern vnd Magen herab gond/ durch welche

alle feuchtin herab gezogen werden/ Darnach von den Nieren geen widerumb zwen vnter sich/ durch welchs alle feuchtigkeye

in die Blasen geführt wirt / wie dann hie im disc. Anatomici Kler-
lich gesehen wirt.

Die Nieren leyden auch mancherley Kranckheyt von böser
complexion der hitz oder Keltin / das ist von geblüt oder von der
feuchten flegma / Ist es von hitz on flegmatische dickin! des
harms / allein gar liechtend rot / So laß ihm schlagen die Leber
ader / oder die Saphenen / vuter dem Knoden des fuß / brauch in
kühlende ärzney / außwendig vnnnd inwendig / Wo es aber von
der flegma kumpf / vñ die Nieren verstopffet weren / darzü muß
man eröffnung / wie nachfolget / brauchen. Auch begeben sich
großschmerzender Nieren von dem Griesß vnd Stain / so in den
Nieren gekocht wirdt / das geschicht vmb die Lenden mit groß
sem zwang / biß in die Blasen. Die Nieren schweren auch zu zey-
ten / gleich wie andere glider / welchs etwan der Nieren selbst /
oder der heilten der Nieren schuld ist. Auch etwan von geher
übung / fallens / schlagens / reytens / oder hart hebens.

¶ Sein kúr vnd ärzney ist.

Auff die Nieren vnd Blatern fúrend.

Saxifraga /	Milium solis /	Petrosilini /
Macedonicum /	Cantarides /	Quinque semina / als Brust /
Feniculi /	Quatuor semina frigida / als /	
Appium /	Melonis /	Citrullarum /
Petrosilini /	Cucurbite /	
Sparragi /	Cucumeris.	

Sterckung der Nieren auß kalter vrsach.

Simplicia.

Saxifraga /	Milium solis /	Cucube /
Petrosilinum.	Macedonicum /	Daucus /
Semen eruce /	Semen cortice.	
Brodium ciceris rubei.		Spicanardi /
Spica celtica /		Squinantum /
Grana pini /	Juniperne /	Paritaria.

Composita.

Dya Calamentum /	Philo antropos.
------------------	-----------------

Electuarium ducis/

Liton tripon.

Külung der Nieren.

Simplicia.

Portulaca/

Papaueis albi/

Vinum citoniorum/

Lactuca/

Nemufaris.

Sein.cõmunia/ frigida/

Plantago/

Psilum.

Endiua/

Composita.

Sirupus nemufaris/

Sirupus accetosus.

Stomaticum

frigidum/ vnd alle die den Magen vnd die Lebern külen.

Von der Blosen.



Der Blosen substanz ist ein rotund/ doch unten her. abein vberlenget fast/ von starcken fellen mit nervisch anhang verfasst/ in welche die Nieren/ die die feuchtm einlasset. Sein fassung ist oberhalb des Schloßbains auff der mütter/ vñ stercker

sich in einem Weyb bis zu vorderst in die gemecht/ vñ endet sich nicht inwendig hynden in die röien der Mütter/ sonder wol an dem ort der scham. Also auch in dem Mann hat sie ir sondere röi in des Mannes rüthen die gar herfür verfasst ist. Sie ist an dem halb inwendig gar fleyschin/ vnd hat etlich mustulen in Mann vnd Weyben bis in die scham.

Sein krankheyt ist verstopffung von dem Stain/so darinn erwachset/ welches an dem weyssen Sand in dem Harn erketmet wirt. Auch gewinnet sie etwan geschwer/ welches an dem schwertzen der macht/ vñnd an dem stinckenden Eytrigen auffgang im Harn/ auch sonst erketmet wirt.

Sein kúr vñ ärzney ist/ dz man bianch alles so den Harn fñrdert/ den Stain bricht vnd aufstreybt/ welches zu lang wer seine ärzney zuzusetzen/ dan solches muß durch Christier/ trenck vñ purgation geschehen/ welches man nach Rath der Arzter handeln soll.


Von der adern Vena Chilis.



Die ader Vena Chilis hat ihren vrsprung von der Lebern / darvon sie all jr geblüt nimmet / Vnd geleych wie ein Baum in dem Erdtrich sein wurzel vnd vrsprung hat / vnd sich nachmals in einen stammnen vnd vil äst aufteylet / Also die ader Chilis ist inn die Lebern eingepflantz / von dannen sie ihren vrsprung vñ feuchtin aufziehet / nachmals ein starcker stamm wirt / der sich vnder sich vnd vber sich inn äst aufteylet / Als nemlich in das Hauß / arm / vnd Brüst / Nachmals vnder sich in die fesslein der natur / vnd beyde schenckel / auch in die adern des Masdarms / Emoroides genant.

Seine krankheyten / ist von vberflus des geblüts / welliches dann durch die gülden adern in Masdarm sich etwan selbs erzeygt / oder durch hilff geöffnet werden muß / ire krankheyten werden all durch die lessin gemindert.

Von der Mütter.



Die Mütter ist ein fürgeordnet faß von Gott / darinn die kindlein empfangen / erneuert / vnd zū eines menschen körper formiert werden. Die Mütter ist von starcken fellen gemacht / rund mit einem langen hals / auch mit zweyen starcken fleyschlin / flügeln oder hörnern zū beyden seytten eingehendte / vmb des schweren lastes des kindles vñ der secundina zū wagen / das sie nicht vnter sich sinken mag. Inwendig im oberteyle der Mütter ist ein luff löcher fleisch vol geblüts / welches carnosā genandt / durch welches zwo adern von den Brüsten des Weybes gehen dem kindlein inn Mütter leyb sein. Nulich

vnd narung zū bringen / die Mütter ist ein ganz hert verschlossenes faß / gleych einem Seckel / sein mundloch schleusset sich so fest

Das einer einen finger darein kaum zwingen mag / vnd inn zeyt
der begird wollusts vñ kurtzweyl / so sie mit dem Man hat / öff-
net sie sich den weyblichen vñ männlichen samen in sich zuziehen
vñ zu empfangen. Nach solcher begird schleußt sie sich widerumb
auff das festest zu / Der mund der Mütter hat auch ein rölein /
das ein wenig in dem hals / oder rören vor der Mütter fürgehet /
Aber vor dem selbigen Rölein / oder mund der Mütter / seind
außwendig zu beyden seiten zwey seflein / oder Hoden inn dem
Weyb / welche Vasa spermatica genant / nechst an der Mütter
angehenckt / welche ire odern vnd geng von der ader Chilis / vnd
Aldorhi nechst bey den Tieren gewinnen / aldo das geblüt durch
sondere adern von der Chilis / von dem Hirn vñ Herzen empfan-
gen / vnd in die saf der natur führen / vnd alldo in dem Mann inn
einen weyssen / vñ in dem Weyb / in einen leybsfarben samen oder
sperma verwandelt wirt / Diezwo adern so von der Chilis inn
die Vasa spermatica gehend / die haben ihre hab an den beyden
fleyschin flügeln / oder Cornea / durch die sie herab gehen bis inn
die seflein der natur / die selbigen seflein der natur / darinn schüt-
tet sich inn der begir der eelichen kurtzweyl nicht vomen / sonder
inwendig gerad vor der Mütter mund / von beyden seiten zusa-
men. Aber das seflein weyblicher krankheyt / oder des blüts
fluß / menstrualis genant / ist noch vnderster oder miderer an dem
hals der Mütter / auff der rechten seiten angehenckt / wellichs
iren vrsprung von der Lebern hat / auch ein ader wie hie inn der
Anatomi klerlichen angezeygt von der Lebern bis inn das sef-
lein / das geblüt menstrualis / von der Lebern darein führt / vñ
zu seiner zeyt sich alda außschütet / in dem hals vor der Mütter.

Die seflein der natur des Manns / seind außwendig angehen-
cket / wie man wol weyst / vnd hat geleych dem Weyb seinen vrs-
prung / yedoch die selbig adern führen den samen durch ein sonder
ror in des Mannes rutien / an der Blösen rören / bis zum förders-
ten außgang.

Dise gelider alle leydet yeglichs sein sondere krankheyt. Die
Mütter hat mancherley sucht / als erkeltung / auffstossung / vers-
ruckung oder jrgang / auch seine buch vñ verschleymung oder
verstopffung.

Es begibt sich auch / das manche

Mütter zu seyst vnd fleyschlin ist / derhalben sie kein kinder geben kan. Auch haben die feflein der natur / Vasa spermatica genannt / irsondere krankheyt / sie gewinnen erwan verstopffung von geyle oder reynung / dadurch der Sam / oder die natur bewegt wirt / vnd gar auß beleybt / aber in den rören so in die müter gehen / still ligen / vnd schüttet sich nicht gar auß / macht das der begir nicht gnüg geschehen / vnd zu dem end nicht geholffen wirt / von welchen erwan die rölin durch dise fürgefehen natur die zu einem fleyschlin wirt verstopffet werden.

Darauf dann ein gewechs in der rechten seytten / mola genant erwechset / vnd die krankheyt Ethica / das ist die schwindsucht oder abnehmen erfolget. Es begibt sich vil mal das solche feflein vil zu schnell seind den samen von sich außzulaßen / erwan von vberfluß der natur / oder von wegen grosser hitz / auch zerbrechung der lacerten / darauf dann die krankheyt gomorea volget das ist / das jnen in dem schlaff / auch on schlaff wider jren willen solcher Samentgeet / welches seer schedlichen ist / Den menschen imhaupt vnruwig macht / den leyb außdorret / vnd erwan durch solcher natur scherpfffe die Mütter oder derhalb der müter verwundet vnd schwirig / machet / dardurch denn der Mann auch bey weylen krankheyt oder verunreynigung holet. Es begeben sich auch mancherley krankheyten an des Mannes gelid vn in dem halb der Mütter / als geschwer / fistelen / seygwargen vnd wunden / einsteyle von vberflüssiger böser feuchtin / die dahyn gefessen / auch von eusserlicher verunreynigung.


Auff die Mütter führend.

Pulegium/	Calamentum.	Savina.
Juniperus	Matricaria	Morella
Ruta	Pimpinella	Mirra
Milleum solis	Pentaphilon	Saluta
Menta	Rubea tinctoris	Lupini
Asa fetida/	Mentastum/	Pulegium/
Calamentum/	Opoponatum/	Mirra.

Composita.

Alle die von den gesagt ist im Capitel von den Tieren.

Von dem Lingweydt.



Das Lingweydt / oder die Derm / seind in dem leyb mit zweyen starcken sellen bis vber den Magen umgeben vnd beschlossen / mit vilen adern / arterien vnd neruen / auch eilcher fettin eingeleybt. Der Derm seind mancherley art / glatt vnd sackicht / auch groß vnd klein / hanget yedoch ye einer an dem andern / in welcher der Mag / die Gall vnd Milz ihren vberfluß vnd gekochte materi einlassen solchs aufzuführen. An den Dermen ist ein sonderer darm / der mit einem zipffel für die andern derm fürgehet / inn wellichen sich die

wind oder blest versamen / vnd nachmals aufgeführt werden / Vnd wiewol die derm vber den andern gliedern soinen inn dem leyb ligend / so zeucht sich doch der Masdarm am end zu vnderst vnder die Blasen vñ außgang der Mütter / zu welchem end sich von der ader Vena Chilis fügen / fünff adern Emoroides / oder die guldin adern genennet / welche sich zu zeiten selber eröffnen / vnd erwan eröffnet werden müssen / wiewol sie sorgtlich seind / die krankheyten des Masdarms geben sich in mancherley wege. Erwan begibt sich das der Masdarm / in zeite der notturffe heraus gehet / vnd sich umbkret / welchs durch einen grossen zwang des stülgangs geschicht / vñ einem bruch gleich zu achten ist / darzu man auff das fürderlichst thun sol / auff das es nicht erstarrt vnd eralie / auch gewinnet der Masdarm zu zeiten feyßblatern / Emoroides genant / das seind lange zapffen / vnd truckblatern / die erwan rot / erwan schwarz seind / wo die nicht bald mit sorglicher ärzgey angriffen werden / flicht es sich bald / vnd ye mer vmb sich / von wegen seiner zufallenden feuchtin / dz sie nachmals schwerlicher züwenden seind / erwan fistuliert es sich / vnd frisset weyt vmb sich / welchs dann von wegen der adern Emoroides / nicht wol züezgen oder schneyden ist. Derhalben man erstlichen durch verstendige Doctores den leyb purgieren / vnd die böse zuchtin / so vil möglich / abziehen / muß nachmals mit derrenden

Ärztneyen abheylen/die feyg oder truckblatern seind mit so schedlich vnd sorgtlich / welche mit trencken vñ puluern liederlich gewendet werden / wo man sich nicht scheint / vnd bey zeiten dar zu thun lasset.

Die kur vnd ärztney / so hie zu dienstlich / ist auff das kürzest yedes ein wenig gesetzt. ¶ Für die sebig warzen vnd platern so offen seind / Tym ayrschalen / Ealk / vnd oliuen bletter gepulvert / auch bunn oder Knopffwurtz gepulvert an. vnter einander gethan / vnd darein gelegt / dort vnd heylet sie.

Ein anders. Aristologiam rotundam / vñ nater wurtz reyn gepulvert / vnser frawen eyß gegliet. vnd gepulvert / vnter einander gleich genommen / darein getruckt / es heylt.

Seind sie aber inwendig verborgen / so nym Knopffwurtz inn vier teyl zerschneiden / inn einen Becher mit wasser gelegt / vber nacht darvon getruncken / sie heylen.

Zuerweychen Emeroides / Tym tosten vnd Korn müntz / pulegium genant / seud sie in wasser / bedempff dich wol darüber / sie werden weych / vnd brechen auff.

Zum aufgang des Darms / Tym Testhelkraut / vnd wullin Kraut in wasser gesotten / darüber gedempfft / vnd weyssen weyrach vnd drachen blüt gepulvert / darauff geworffen / widerumb hynein gethan / es vergehet in 12. Hiemit genüg.

Wiewol solliche Anatomi / vil weyter züstrecken / vnd von yedem noch klerlicher zümelden / auch ire namen vnd Kranckheyten anzúzeygen weren / habe ich yedoch solcher gelider auff das kürzest vnd eygentlichest meldung thun wollen / damit der Leser nicht verdrüssig / auch weytere erklerung vnd ankunfft aller deren gelider / Kranckheyten vnd kur / vil bücher an dem tag seind die sollichs klerer melden / auch alle notwendige hilff zú setzen / derhalben doch nur die glidmaß mit iren anhangenden mit hilff vñ orten angezeygt / welcher sein hand arbeyt hiemit versucht der wirdt wol weyter eygentlicher bericht empfangen 12.

¶ Gedruckt zu Nürnberg durch
Jans Guldenmundt.

I
Ausle-
gung



dom no
no
in
my